



Jinsí Hámla

Yían kaanun or hélaf Australíat honíkka ré jinsí hámla goríbélla.

Jinsí hámla goréde manúic uggwá ziyól ót zaifare, tará uggwá morot óuk yá maiya óuk.

Zodi tuñí yá tuñí zanodé honíkka hótarat táke **000** nombór ót fulic dhako.
Australíar fulic héfazot óla ar biccác gorífare.

Maana, hífia mocuwara arde maalumát ókkol ólla 1800 RESPECT óre dhako
1800 737 732 nombór ót.

Zodi tuáñrtu maana torjuma goróya ekzon lage **131 450** ot dhako.

Australíar Hókumot (Australian Government) e jinsí hámla re zehonó háalot ókkol ót bordac nogoré.

Jinsí hámla ré tarár morzi sára oinno manúic uggwár íkka dahái diyaza.

Jinsí hámlat cámil tákede:

- honíkka ré zená goríbélla yáto zenár karwaiyi ókkol goríbélla bolazuri goróon;
- honíkka ré lendha jiníc saáibélla mojburi goróon; yáto
- fua uggwá loi zená goróon yá zenár karwaiyi ókkol goróon.

Pathnár, bou-zamai yáto fémlí membór uggwár jinsí hámla yó kaanun or hélaf.

Maiya ókkol óttu morot or dhóil ekkú dhoilla hók asé.

Australíar kaanun ókkol é maiya arde morot ókkol óre borabor bebáar goré.

Fottízon maramarittú azad tákibellá, uggwá kúci rictha arde cómajit tákibellá hók asé.

Maiya ókkol óttu hóraf bebaár yá duk faa kobul gorá no foribóu.

Australíat salsolon ot arhái nofaréde hédmot ókkol asé ziyán é modot gorífare.

1800 RESPECT óilde Australíar Koumi Jíns ór Hámla, Fémlí arde Góror bútoror Maramarir Mocuwarar hédmot (Australia's National Sexual Assault, Family and Domestic Violence Counselling service). Yían é kúfia telefún ar onláin mocuwara arde maalumát ókkol maana de. Mocuwara douya ókkol é tuáñr hotá fúnibou, súal ókkol ór zuab dibou ar tuáñr mahállí zagat aséde oinno modot or hédmot ókkol ór éçe háwala gorí faribóu.

1800 737 732 nombór ót dhako yá 1800 RESPECT wébsáith ot zo
www.1800RESPECT.org.au.

Tuáñrtu torjuma goróya ekzon lagibóu né?

Torjuma arde Hotá bāñgi doon ór Hédmot **Translating and Interpreting Service** (TIS) óre dhako

131 450 nombór ót maana. TIS é oinno hédmot ókkol lói taaluk gorí dibellá tuáñre modot gorí faribóu. TIS é mocuwara node.